



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De eo, qui conseruum propter verbum contentiosum occidit, cap. 17

urn:nbn:de:hbz:466:1-13177

gibus vestris timemus, neque ipsum Imperatorem verum Fredericum, sed, sicut legimus in libris nostris: Christianus Imperator quidam surget Otto nomine, qui terram hanc cum ciuitate Ierusalem cultui Christiano restituet. Nos ista audientes, sperabamus quia prophetia illa implenda esset in Ottone Imperatore Saxone, qui ante aliquot annos defunctus est. Eodem tempore Saladinus humanitate exhibuit Christianis satis magnam. Cum esset exercitus Christianorum, partim ab eius exercitu occisus, partim captus atque dissipatus, reliquias ciuitatum, quae se vltro reddiderunt, in ciuitatibus eiusdem esse permisit, sub bona tamen custodia. Diebus aliquot elapsis, cum requisiisset a suis, quomodo se haberent Christiani, responderunt illi: Domine non aliter viunt quam pecora, Iudis tantum, gulæ, & illecebris seruientes. Tunc iratus iussit eos de ciuitatibus expelli. APOLLONIVS Proch, quod abhorret Iudeus, & quod execratur paganus, hoc quasi pro lege habet Christianus. CÆSARIVS: Hæc de tentatione superbiæ sunt dicta: nunc ad iram accedamus.

CAPVT XVI.

IRA est irrationabilis perturbatio mentis: Vel, Ira *De Ira* est, secundum aliam descriptionem, strictus concitati animi furor, vlciscendi libidine feruens. De ira nascuntur rixæ, rumor mentis, contumeliae, clamor, indignatio, blasphemiae. Ira in corde latet, in verba prorumpit, iniurias exercet. Vnde Salomon in Proverbiis: Vir iracundus prouocat rixas; & qui ad indignandum facilis est, erit ad peccandum proclivior. Item Ecclesiasticus: Ira furore utraq; execrabilia sunt. *Ecclesiasticus* 27. Et in epistola sua Iacobus Apostolus: Vbi zelus & contentio, ibi inconstantia & omne opus prauum. *Iacobus* 3.

CAPVT XVII.

DVO serui ex familia nostra verbis inter se contulerunt; ex quibus unus ita est ira inflammati, ut quasi in furorem versus, alterum, minus tamquam suspicantem, extra monasterium ei occurrens, occidit. Valida erat huius tentatio. Ecce quam modica

M 3 scin-

scintilla in magnum ignem profecit: scintilla ira, ignis sequens homicidium. Noui aliquos ita propter verbum vnum tentatos, ut apostasiam incurret. Hos reuera tetigerat sexta plaga Ægypti, scilicet vesicæ bullentes, id est, ira cum insania. Apostatare insanire est. Naturale est irasci, sed cum motus idem immoderatus est, pro virtio reputatur.

Exod. 9.

A P O L L O N. Vellem aliqua nunc audire exempla de viris religiosis, quæ nobis iram temperarent, & ad patientie virtutem amplius accenderent. Nam apud seculares irasci & indignari quasi pro nihilo habetur, & nisi prouocati se vlciscantur, a ceteris despiciuntur. C A E S A R I V S: Vis audire exempla, per quæ cognoscas quam sit periculorum Deoque contrarium subiectis irasci, & indignari suis Prælatis, etiam ab illis prouocati? A P O L L O N I V S: Volo. C A E S A R I V S: Dicam tibi sicut ab ore eius audiui, cujus contigit,

C A P V T XVIII.

**Irasci
Prælati
quam
grase.** P RIOR quidam ordinis nostri, vir bonus & disciplinatus, ab Abbe suo plus quam necesse esset, & quam meruisset, exacerbatus est, & hoc saepius, De qua re satis tentatus, non tam æquanimiter illius verbum, sicut debuit, tolerare potuit. Volens illi Dominus exēplo suæ passionis téperare feruorē tentationis, ostendere etiam, quod Prælati inæquales æqualiter propter ipsum forēt supportādi, tali exēplo eū informauit: Visum est ei nocte quadam leui somno presso, quod ipse simul cum Abbe suo crucifixum portaret, ille in brachio dextro, ipse vero in sinistro. Dum sic illum tenerent æqualiter, brachium crucis quod Prior tenebat, de manu eius est elapsum, & alterum est erectum, factaque est inæqualitas. Mox euigilans visum intellexit, dicens, quid agis o miser? Non æque portas corpus cum Abbe tuo, rancorem aduersus illum seruans in corde tuo. Interpretatus est, sicut reuera fuit, corpus Christi esse congregacionem, crucem, cui fratres per obedientiam affixi sunt, ordinis rigorem: ad Abbatem enim & Priorē specialiter spectat conuentū, qui Christi corpus est, portare, tenere,